



ԷՔՈՒԻԹԻ ԷՅ ԷՍ ՓԲԸ

2025Թ. ՏԱՐԵԿԱՆ ՖԻՆԱՆՍԱԿԱՆ ՎԵՐԼՈՒԾՈՒԹՅՈՒՆ

ՆԵՐԴՐՈՒՄԱՅԻՆ ԸՆԿԵՐՈՒԹՅԱՆ ՆԿԱՐԱԳԻՐԸ

ՀՀ ԿԲ-ի կողմից 06.07.2015թ. ընդունված որոշման համաձայն ՀՀ կենտրոնական բանկը նախնական համաձայնություն է տվել Ֆինանսական տեխնոլոգիաների լաբորատորիա ՓԲ ընկերության կանոնադրական կապիտալում Էքուիթի ՅուՔեյ Լիմիթեդ ընկերության (նախկինում՝ Դիվիսա ՅուՔեյ Լիմիթեդ) կողմից ուղղակի նշանակալից (100%) մասնակցություն ձեռք բերելուն:

Ֆինանսական տեխնոլոգիաների լաբորատորիա ՓԲԸ ձեռքբերումը հանդիսացավ Էքուիթի ՅուՔեյ Լիմիթեդ ընկերության մասնավոր հետաքրքրությունը ԱՊՀ, Միջին Արևելյան և Ասիական տարածաշրջաններում իրենց գլոբալ բիզնես հասանելիության և ընդլայնման համար: Այն Էքուիթի ՅուՔեյ Լիմիթեդ ընկերությանը հնարավորություն տվեց ունենալ ռազմավարական տարածք՝ ապագայում գլոբալ հաճախորդներին լավագույն աջակցություն ցուցաբերելու համար:

Էքուիթի ՅուՔեյ Լիմիթեդ ընկերությունը ստեղծվել է 2010թ.-ի ապրիլի 7-ին որպես Անգլիայի և ՌԻելսի Մասնավոր Սահմանափակ Ընկերություն, որը լիազորված է և կարգավորվում է Ֆինանսական Կառավարման Մարմնի կողմից: Ընկերության պետական գրանցման համարն է՝ 07216039:

Էքուիթի ՅուՔեյ Լիմիթեդ ընկերությունը տրամադրում է իրացվելիություն ինչպես պրոֆեսիոնալ, այնպես էլ ինստիտուցիոնալ հաճախորդներին:

Էքուիթի ՅուՔեյ Լիմիթեդ ընկերությունը համագործակցելով PrimeXM (“PXM”)-ի հետ առաջիններից էր, որ առաջարկել է կամուրջի օգնությամբ կապել MT4 հարթակը PXM-ի կողմից մշակված Xcore հետ: Նշված առաջատար լուծումը շուկայում առկա առավել բարդ ինտեգրացման մեթոդն է, որը վերացնում է հապաղումները (latency) և էապես բարձրացնում արդյունավետությունը:

Ընկերությունը նպատակ ունի ընդլայնել իր ներկայիս հիմնական ծառայությունները ԱՊՀ, Միջին Արևելյան և Ասիական տարածաշրջաններում:

Ընկերության ներկայիս թիմը աչքի է ընկնում աշխատանքային մեծ փորձով բրոքերային ծառայությունների ոլորտում՝ իրականացնելով հետևյալ լիցենզավորված գործառնությունները.

- հաճախորդներից արժեթղթերով գործարքների կատարման հանձնարարականների ընդունումը և հաղորդումը,
- իր կամ հաճախորդի անունից և հաճախորդի հաշվին արժեթղթերով գործարքների կատարումը:
- Ընկերությունը 2018թ. ստացել է նաև “իր հաշվին և իր անունից արժեթղթերով գործարքների կատարումը” լիցենզիան:

Ընկերությունը մասնագիտացված է ֆորեքսի և ածանցյալ գործիքների առցանց թրեյդինգում՝ համապատասխան ծառայություններ առաջարկելով պրոֆեսիոնալ և ինստիտուցիոնալ հաճախորդներին: Ընկերությունը օգտագործում է ճանաչված և վստահելի թրեյդինգ հարթակներ, իսկ գործառնական ընթացակարգերը համապատասխանեցված են ՀՀ ԿԲ նորմատիվ պահանջներին:

Ընկերությունը պոստենցիալ հաճախորդներին հուսալիություն է ներշնչում, քանի որ ընկերությունը կարգավորվում է ՀՀ ԿԲ-ի կողմից, որն էլ իր հերթին հանդիսանում է ֆինանսական ծառայությունների ոլորտի կառավարման ռեգիոնալ առաջատարը:

2017թ. Էքուիթի իմբի շահառուները էլ ավելի ընդլայնելով իրենց բիզնեսը ավելացրեցին իմբի կապիտալը՝ ներգրավելով նոր մասնակիցներ: Էքուիթի Քեփիթըլ Յու Քեյ ընկերության 100% բաժնետեր է հանդես գալիս Ջերսիում գրանցված Էքուիթի Գրուփ ԷլԹիԴի ընկերությունը (նախկինում Ջի Սի Սի Փի Բի ընկերություն):

2018թ. վերջում Էքուիթի իմբի ղեկավարությունը որոշում կայացրեց իրականացնել անվանափոխություն (ռեբրենդինգ): Արդյունքում Դիվիսա Յու Քեյ Ընկերությունը անվանափոխվեց Էքուիթի Քեփիթըլ Յու Քեյ Լիմիթեդ-ի, իսկ Դիվիսա Էյ Էմ Ընկերությունը Էքուիթի Էյ Էմ-ի:

26.10.2021թ. ընդունված որոշման համաձայն ՀՀ կենտրոնական բանկը նախնական համաձայնություն տվեց Ընկերության կանոնադրական կապիտալում Էքուիթի Գրուփ Էլ Թի Դի ընկերության կողմից ուղղակի նշանակալից (100%) մասնակցություն ձեռք բերելուն:

Ընկերության գրասենյակը գործում է հետևյալ հասցեում՝ ք. Երևան, Վ.Սարգսյան 26/1 փ., Էրեբունի Պլազա Բիզնես Կենտրոն, գրասենյակներ 606-609:

ՆԵՐԴՐՈՒՄԱՅԻՆ ՀԻՄՆԱԿԱՆ ԵՎ ՈՉ ՀԻՄՆԱԿԱՆ ԾԱՌԱՅՈՒԹՅՈՒՆՆԵՐԸ

Բրոքերային ծառայություն

2025թ. նախորդ տարվա համեմատությամբ Ընկերության հաճախորդների թիվը նվազել է 2-ով: 2025թ. վերջի դրությամբ Ընկերության կողմից սպասակվող հաճախորդների թիվը կազմել է 5, իսկ բրոքերային ծառայություններից ստացված գուտ եկամուտը՝ 1 307 հազ. դրամ, որը 4 093 հազ. դրամ գումարով փոքր է նախորդ տարվա ցուցանիշից:

Ոչ հիմնական ծառայություններ

Ընկերությունը հաճախորդներին մատուցում է տարբեր խորհրդատվական ծառայություններ, ինչպիսիք են՝

- Խորհրդատվություն արժեթղթերի շուկայում կապիտալի ներդրման վերաբերյալ,
- Խորհրդատվություն բաժնետերերի ընդհանուր ժողովներ անցկացնելու վերաբերյալ,
- Խորհրդատվություն բաժնետիրական ընկերության մասին տվյալներ հրապարակելու վերաբերյալ,
- Խորհրդատվություն բաժնետիրական ընկերությունների արժեթղթերը գրանցելու վերաբերյալ,
- Խորհրդատվություն բաժնետիրական կապիտալի կառավարման վերաբերյալ
- Խորհրդատվություն գնագոյացման վերաբերյալ,
- Խորհրդատվություն կանոնադրական կապիտալը փոխելու վերաբերյալ,
- Խորհրդատվություն կորպորատիվ կառավարման վերաբերյալ,
- Խորհրդատվություն համատեղ ձեռնարկություններ բացելու վերաբերյալ,
- Խորհրդատվություն ձեռնարկությունների կողմից բաժնետոմսերի թողարկման, տեղաբաշխման և օտարման վերաբերյալ,
- Խորհրդատվություն ներդրումային նախագծեր պատրաստելու և իրականացնելու վերաբերյալ,
- Խորհրդատվություն ֆինանսական շուկայում կապիտալի ներդրման վերաբերյալ,
- Խորհրդատվություն ֆինանսավորման աղբյուրների որոնման և ներդրումներ ներգրավելու վերաբերյալ:

Ընկերությունը մատուցում է հետևյալ միջնորդական ծառայությունները.

- Միջնորդություն արտասահմանյան ներդրումներ ներգրավելու գործում.
- Միջնորդություն հասարակական կազմակերպությունների համար ֆինանսական միջոցներ ներգրավելու գործում (ֆանդրայզինգ).
- Միջնորդություն ներդրումային ծրագրերի պատրաստման և իրականացման գործում:

ՇԱՀՈՒԹԱԲԵՐՈՒԹՅՈՒՆԸ, ԵԿԱՄՈՒՏՆԵՐԸ ԵՎ ԾԱԽՍԵՐԸ

2025թ. Ընկերության հիմնական եկամուտները ձևավորվել են մատուցված բրոքերային ծառայությունների միջնորդավճարներից, խորհրդատվական ծառայություններից և տոկոսային եկամուտներից: Այդ հոդվածներով ստացված եկամուտը կազմել է համապատասխանաբար 1 307 հազ. դրամ, 529 158 հազ. դրամ և 53 202 հազ. դրամ:

Ընկերության ծախսային մեծ հոդվածներից են՝ աշխատավարձային, վարձակալության ծառայությունների, ինչպես նաև հարկերի գծով ծախսերի հոդվածները, որոնք 2025թ. վերջի դրությամբ կազմել են համապատասխանաբար 443 380 հազ. դրամ, 40 227 հազ. դրամ և 38 381 հազ. դրամ: 2025թ.-ի ընթացքում աուդիտի ծախսը կազմել է 13,364 մլն ՀՀ դրամ:

2025 թվականին վարչական ծախսերի նվազումը պայմանավորված է Ընկերության աշխատակիցների թվի կրճատմամբ:

Տնօրեն՝

Արտակ Նահապետյան